

首都師範大學中國書法文化研究院 編纂
歐陽中石 主編

文津閣四庫全書
書畫藝術文獻匯編

第三十一冊



商務印書館

本冊書目

六藝之一錄(三)

六十二卷至九十六卷

清・倪濤

一

欽定四庫全書

六藝之一錄卷六十二

錢塘倪濤撰

石刻文字三十八

隋碑

禹廟殘碑

史陵正書大業二年五月右隋禹廟殘碑其文字磨

滅十五六而其未隱隱可辨云會稽郡下缺三字史陵書

筆法精妙不減歐虞按張懷瓘書斷云褚遂良嘗師

欽定四庫全書

六藝之一錄
卷六十二

史陵蓋當時名筆也今此碑磨滅而僅存世之藏書

者皆未嘗有非余收錄之富則遂不復見於世矣金石錄

錄

老子廟碑

薛道衡撰龐恭之八分書開皇二年金石錄

右老子廟碑隋薛道衡撰道衡文體卑弱然名重當

時余所取者特其字畫近古故錄之唐人字皆不俗

亦可佳也集古錄

孔子廟碑

仲孝俊文大業七年正月金石錄

陳明府修孔子廟碑陳明府名叔毅字子嚴陳宣帝

子為曲阜令修孔子廟仲孝俊為文樹此碑碑書亦

頗有漢魏分隸法而集古錄金薤琳瑯俱不載唯金

石錄有之且都玄敬謂隋碑少傳自云皆好垂三十

年止得皇甫君龍藏碑姚辯志江夏磚塔記四種皇

甫碑唐刻以是觀之都才有三種余所錄乃四碑并

欽定四庫全書

六藝之一錄
卷六十二

常醜奴誌李淵記而六而皇甫智永不在其中安得

起玄敬于九原而誇示之金石錄

右仲孝敬撰碑內言陳叔毅以陳皇諸孫為曲阜令

因修闕里故孝俊立此以頌其功時大業七年辛未

歲也然孝俊自書齊州秀才而下又書前吳郡主簿

豈罷官而復應秀才舉耶書差有漢意文甚俳後頌

語云子還名賈兒多字鄭二句為古立贊記

八分書大業七年七月今在曲阜縣廟中金石文字記

隋平陳碑

薛道衡文江陵府金石

薛道衡撰在上元縣今亡

諸道石
刻錄

爾朱敞碑

開皇五年十月金石

右尔朱敞碑敞者榮從弟彥伯之子也按敞傳云字乾羅而此碑字天羅傳云為金州摠管而碑又為徐州摠管碑文雖殘缺然班班尚可讀其述徐州事頗多

欽定四庫全書

六藝之一錄
卷六十二

三

事為史家不取可也不書其官蓋闕繆也其字不同亦當以碑為是余於集錄正前史之闕謬者多矣集古

源使君碑 文帝開皇元年金石

呂龜碑 開皇二年十一月金石

臨漳趙公清德頌 開皇六年金石

北齊徐州張長史碑 開皇九年十月金石

廣業郡守鄭君碑 章沛正書開皇九年金石

九門縣令李公清德頌 開皇十年十二月金石

石李康清德頌不著書撰人名氏文為聲偶而字畫

奇古可愛康隴西狄道人也其碑首題云大隋冠軍

將軍大中帥都督恒州九門縣令隴西李君清德之

頌予在河北時遣人於廢九門縣城中得此碑字多

訛闕其後題十一年歲在辛亥大將軍在酉二月癸

丑朔十二月甲子建年上有二字訛闕不可識按隋

書開皇十一年歲在辛亥其二字乃開皇也大將軍

欽定四庫全書

六藝之一錄
卷六十二

四

在酉之說出於陰陽家前史不載而此碑見之集古

董明府清德碑 開皇十二年十二月金石

上柱國韓擒虎碑 開皇十五年十月

右韓擒虎碑不著書撰人名氏而以隋高祖為今上

乃隋人所撰碑文屢言虎字獨於名下去之若避唐

諱此不可知也今以碑文考隋書列傳其家世官勲

大略多同惟其在齊為河長防主大都督車騎大將

軍開府儀同三司白超防主轉洪超防主傳皆無之

又遷和州刺史而傳為利州皆史官之闕誤當以碑為是而傳載閻羅王事甚怪而碑無之使其實有碑不宜不書以此見史家之妄也

集古錄

梁州使君陳茂碑 開皇十八年十一月

金石錄

右陳茂碑不著書撰人名氏而字畫精勁可喜隋書列傳載茂事尤多缺謬傳云高祖為隋國公引為寮佐及受禪拜給事黃門侍郎在官十餘年轉益州總管司馬遷太府卿後數載卒而碑歷叙為高祖寮佐

欽定四庫全書

六藝之一錄卷六十二

五

時官傳雖不書可也其自黃門侍郎後又為行軍元帥長孫覽司馬又為蜀王府長史太僕卿判黃門侍郎上開府儀同三司梁州刺史等官吏氏皆不書蓋其闕也又據碑茂為蜀王長史而傳為益州總管司馬碑為太僕卿而傳曰太府皆史家之謬也碑云茂

字延茂史亦闕

集古錄

文儒先生劉炫碑大業元年

金石錄

樂州史君江夏徐公碑

郝士威撰侯彥直分書大業二年丙寅七月十五日立在汶川石橋前

復齋碑錄

大將軍正義愍公豆盧毓碑 正書大業三年

京兆金石錄

潞城縣令段君碑 大業八年十二月

金石錄

兵部尚書段文振碑 大業八年立

京兆金石錄

處士潘徽撰歐陽詢八分書文振字元起隴西姑臧人仕隋至兵部尚書龍崗郡公贈右僕射諡曰襄碑

不著所立年月

集古錄目

欽定四庫全書

六藝之一錄卷六十二

六

司徒觀德王楊公碑

不著撰人名氏書學博士姓名缺書雄隋之疎屬官至司徒封觀王諡曰德碑以大業九年立

集古錄目

內史令鄭譯碑 大業十年

京兆金石錄

儀同府參軍黃山碑

不著書撰人名氏山字子岳荊州江夏人仕至儀同

孔仲衡府參軍碑以大業九年立

集古錄目

大都督索君碑 大業十二年二月

金石錄

弘義明公皇甫誕碑

唐太子左庶子于志寧撰歐陽詢書誕字玄憲安定朝那人隋文帝末年為并州總管府長史漢王諒反誕不從見殺追贈柱國諡曰明

集古錄目

右隋皇甫誕碑余嘗得誕墓誌又得此碑以攷此史及隋書列傳傳云誕字玄慮而碑志皆作玄憲傳云隋高祖受禪為兵部侍郎數年出為魯州長史開皇中復為比部刑部刑曹二侍郎遷治書侍御史為河

欽定四庫全書

六藝之一錄卷六十二

南道大使及還奏事稱旨令判大理少卿明年遷尚書右丞以碑志叅攷誕自司徒主簿出授長史俄除益州總管府司法徵授比部侍郎蓋未嘗拜兵部而其為河北河南安撫大使乃任右丞時皆史家之謬惟墓志稱誕嘗為司徒主簿而碑不載傳與墓志皆云為魯州長史而碑作廣州則疑碑之脫漏墓志乃葬時所述然碑亦貞觀中其子無逸追建不應差謬而不同何也

金石錄

隋光祿大夫皇甫君碑唐于志寧文歐陽詢書骨氣勁峭法度嚴整論者謂虞得晉之飄逸歐得晉之規

矩觀此其振發動盪豈非逸哉非所謂不踰矩者乎初學者師此以立本而後入虞入永入鍾王有所持循而成功不難也

東里集

率更書皇甫府君碑此之諸帖尤為險勁是伊家蘭臺發源石刻在西安雖小苔剝差可誦耳皇甫君名誕仕隋死於漢王諒之難者卹典殊不薄後以子無

欽定四庫全書

六藝之一錄卷六十二

逸貴於唐始克樹碑噫逝者有知能無麥秀之歎乎弇州山人藁右隋柱國左光祿大夫皇甫誕碑于志寧撰歐陽詢正書金石錄謂嘗得誕墓志又得此碑與此史及隋書叅攷以正史氏之謬又謂碑與墓志所述亦有不

同墓志今不得見碑在陝西西安府學不甚缺壞蓋歐書中之得意者也

金薤琳琅

皇甫君名誕歿于隋而碑立于唐以子無逸貴也于

志寧撰歐陽詢書王元美謂比之信本他書尤為險

勁是伊家蘭臺發源余謂其勁而不險特用筆之峻

一變晉法耳可為楷法神品碑舊在鳴犢鎮今在西

安府學戊子余君房督學作亭覆之丙申亭圯壓碑

中斷碑故剝二十餘字至是又亡其五十餘字余所

收乃未斷時搨本深寶惜之

石墨
鶴華

尚書左僕射元長壽碑 大業八年正月

右隋元長壽碑虞世基撰歐陽詢書按隋史壽開皇

欽定四庫全書

六藝之一錄
卷六十二

九

中為尚書主爵侍郎而碑云主爵郎碑云從晉王伐

陳時兼揚州長史授行軍總管長史平陳遂為揚州

總管府長史遷尚書左丞而史但云自元帥府屬平

陳入為左丞耳又為太常少卿時兼雍州司馬史亦

不載其卒贈尚書左僕射光祿大夫封博平侯而史

但云贈右僕射皆其闕誤史云壽在周封儀隴縣侯

而碑作儀龍侯今按隋書地理志有儀隴縣屬巴西

郡而無儀龍未知孰失也

金石錄

梁洋德政碑

右隋梁洋德政碑在今蔡州新息隋開皇十一年行

參軍事裴玉與州人為息州刺史梁洋建寶塔表德

政碑按隋書志後周於新息縣置息州至大業中州

廢也

集古錄

不著書撰人名氏隋息州參軍裴玉等為刺史梁洋

九門縣令鉗耳文徹清德頌

欽定四庫全書

六藝之一錄
卷六十二

十

右不著書撰人名氏其碑首題云大隋恒山郡九門

縣令鉗耳君清德之頌大業六年建字畫有非歐虞

之學不能至也碑云君名文徹華陰朝邑人也本周

王子晉之後避地西戎世為君長因以地為姓曾祖

靜仕魏為馮翊太守祖朗成集二州刺史父康周荆

安寧鄧四州總管別駕安陸龍門二郡守而前史皆

不載碑在今廢九門縣中余為河北轉運使時求得

之

集古錄

鉗耳君名文徹本出西戎後為華陰朝邑人隋煬帝

時為恒州九門令遷梁州司馬將去縣民刻石頌德

碑以大業六年立在廢九門縣中

集古錄目

縣令梁執威德政碑 在絳州

金石略

海陵公賀若誼碑

此碑正書方整精健是唐初諸人前茅在興平縣文

廟宋人磨其陰刻夫子廟記而此文止存十之三聞

魯完好一縣令苦貴人之募搦使捶去之誼事見隋

欽定四庫全書

六藝之一錄卷六十二

士

史茲不贅云

石墨鐫華

在興平縣崇寧寺

天下金石志

安喜公李使君碑

奉天鄉人掘得此碑樹之上官村墓前余過搦二紙

隸書亦自道逸而碑頗完使君涼武昭王之後祖景

超員外散騎侍郎父通逸使持節東南道都督狄道

縣開國子季父琰之出牧荊郡使君仕開府儀同三

司使持節邛州諸軍事邛州刺史安喜縣公開皇十

六年卒十七年樹碑皆歷歷可讀而獨闕使君名按

使君與唐同宗官亦不卑隋史無傳遂不可攷使君

祖父季父獨琰之見魏書耳因知史官闕略如此類

者不可勝計也

石墨鐫華

八分書開皇十七年二月今在馬嵬堡北五里

金石文字

記

張文詡碑

張文詡河東人博覽群書特精三禮蘇威勸令從官

欽定四庫全書

六藝之一錄卷六十二

士

固辭仁壽末策杖歸終家鄉人為立碑頌號曰張

先生

北史本傳

楊素碑

大業二年素卒帝下詔立碑以彰盛美

北史本傳

令狐熙碑

令狐熙拜滄州刺史吏人追思相與立碑頌德

北史本傳

房彥謙碑

房彥謙為長葛令有惠化百姓立碑頌德

北史本傳

寧遠將軍裴文基墓誌 開皇十年 京兆金石錄

開府儀同三司崔弘安墓誌 開皇十五年 京兆金石錄

驃騎將軍楊端墓誌 開皇十五年三月 京兆金石錄

車騎將軍盧瞻墓誌 開皇十六年十一月

五原國太夫人鄭氏墓誌 開皇二十年二月 京兆金石錄

賈使君墓誌 仁壽元年七月 同上

張光墓誌 仁壽元年八月 同上

大將軍梁恭墓誌 仁壽元年十月 同上

欽定四庫全書

六藝之一錄
卷六十二

古

開府儀同三司賈義墓誌

開皇十八年薨以仁壽元年二月十八日塋于咸陽

縣復齋
碑錄

上儀同楊縉墓誌

許善心撰序虞世基製銘世以為歐陽詢書年月殘

缺復齋
碑錄

齊國太夫人楊氏墓誌 開皇十年三月

右隋齊國太夫人楊氏墓誌云夫人字季姜僕射高

頴母也隋書頴傳云頴以母憂去職開皇二年伐陳

詔頴節度諸軍據此頴之丁內艱蓋在開皇初今以

墓誌考之楊氏之卒乃在十年傳稱頴既貴其母常

誠以遠禍後頴竟以危言為煬帝所誅如其言可謂

賢矣常恨不著其姓氏今乃見於此云 京兆金石錄

周羅暉墓誌 徐敬撰大業元年四月

右隋周羅暉墓誌無書人姓名而歐陽率更在大業

中所書姚辨墓誌元長壽碑與此碑字體正同蓋率

欽定四庫全書

六藝之一錄
卷六十二

古

更書也往時書學博士米芾善書尤精于鑒裁亦以

余言為然羅暉名將隋史有傳今以墓誌考之羅暉

在陳自鍾離太守遷秦郡而史不載又史云開皇中

自幽州刺史轉涇州母憂去職復起授幽州遼東之

後徵為水軍總管進為上將軍而墓誌自幽州為水

軍總管進為上將軍然後為涇州其遷拜次第皆不

同又史云拜東宮右虞侯率而墓誌為左監門率史

云轉右衛率而墓誌為右監門武侯率史云自右武

候大將軍進授上將軍而墓誌不載蓋未嘗拜此官

也皆當以墓誌為據金石錄

黃門侍郎柳旦墓誌 大業六年十一月

右隋柳旦墓誌以考隋史列傳其始終事跡皆同惟

傳云攝判黃門侍郎而墓誌云檢校黃門侍郎小異

耳又墓誌載誕六子燮楷則綽濬亨而元和姓纂與

唐史宰相世系表皆云旦五子而闕其第五子濬亦

當以墓誌為是也金石錄

欽定四庫全書

六藝之一錄
卷六十二

十五

賀蘭才墓誌 大業三年二月金石錄

西平太守上官政墓誌 大業六年三月金石錄

海州刺史劉瑤墓誌 大業六年十二月金石錄

開府鄭煥墓誌 大業六年十二月金石錄

大將軍安陽肅公姜濟墓誌

正書不著書人名氏公諱濟字彭子定州博陵人仕

至開府儀同三司左領軍大將軍大業元年四月薨

于私第以三年十一月塋於京兆郡碑縣平陵鄉復齋

碑錄

屯衛大將軍姚辯墓誌 大業元年十月

左隋左屯衛大將軍姚辯墓誌銘虞世基撰歐陽詢

正書志稱辯精於邊事屢立大功蓋老將也其官至

大將軍而死諡恭公爵亦尊矣而隋史不為立傳向

非率更之書後世不復知有辨此古人墟墓之文所

以必托之名筆豈無意耶金石錄

按此銘金薤琳瑯載其全文闕四十餘字今予所得

欽定四庫全書

六藝之一錄
卷六十二

十六

全本金石文
字記

齊郡太守元整墓誌 大業九年京兆金石錄

光祿卿徐寔墓誌 大業九年京兆金石錄

北絳公夫人蕭氏墓誌 在京兆府金石錄

包愷墓碣

包愷精漢書教授數千人卒門人起墳立碣焉北史

傳

王威猛墓誌

不著書撰人名氏威猛字繼叔瑯琊海曲人官至候

衛虎賁即將碑以大業中立集古錄目

榮澤令常醜奴墓誌

醜奴始平人為都督榮澤令大業元年卒誌在興平

崇寧寺壁間為童子摩挲幾平余搨一紙書亦不大

佳但以隋物存之興平即古始平今不知墓所在石墨

鐫華

正書大業三年八月今在興平縣崇寧寺墓之有誌

欽定四庫全書

六藝之一錄
卷六十二

七

始自南朝南齊書云宋元嘉中顏延之作王球石誌

素族無碑策故以紀德自爾以來王公以下咸共遵

用今之傳於世者惟此及梁羅二志為隋代之文爾

金石文

字記

鷹揚即將義成子梁羅墓誌

正書大業四年八月今在西安府城外杜曲古人之

字未必皆工而後人貴之者以其所從來遠也此志

正書猶帶八分凡隋以前之書法多如此而書志之

人未必其通文義也鷹揚之字出詩大明之篇而此

志前作陽後作楊宣政元年周武帝之號而書作正

汪汪萬頃作傾羽儀作議降疾不瘳作抽與乾坤而

齊固作個禁旅之禁作樂樊川之樊亦作樊此皆文

理之至謬豈可以其出于古而不論哉金石文字記

桂州總管侯莫陳頴墓誌以下三碑俱唐初立以其隋時人附于隋

右隋侯莫陳頴墓誌隋書有頴傳以其事考之多合

惟傳言頴謚日定而誌不載按誌云公第四子尚書

欽定四庫全書

六藝之一錄
卷六十二

八

考功郎中乾會而傳作虔會乾虔義理皆通然余嘗

得乾會碑乃云名肅字乾會元和姓纂所載亦同疑

其以宇行耳蓋隋唐間人多如此金石錄

正書不著書撰人名字君諱頴字遵道彭城人大業

六年為南海太守九年十月薨於郡治唐武德八年

遷葬於雍州咸陽縣寶刻叢編

衛尉卿竇慶墓誌

右隋竇慶墓誌慶曾祖畧祖溫善父榮定北史及北

齊後周隋書皆有傳諸史皆云慶祖名善而慶之兄抗墓誌乃云名溫唐書宰相世系表以為善一名溫今此誌名溫善皆不可考慶大業中仕為衛尉卿史云為群賊所殺而墓誌云為盧圓月所殺墓誌貞觀四年刻其小楷工妙不減歐虞惜其不著名氏也

金石錄

處士羅靖誌

處士以仁壽四年五月二十三日終夫人張氏於唐

欽定四庫全書

六藝之一錄
卷六十二

十九

龍朔二年終合塋於習池

復齋碑錄

襄陽有隋處士羅

君墓誌曰君諱靖字禮襄陽廣昌人高祖長卿齊饒

州刺史曾祖弘智梁殿中將軍祖養靖學優不仕

有名當代碑字畫勁楷類褚河南然父子皆名靖為

不可曉拓拔魏安同父名屈同之長子亦名屈祖孫

同名魏人無足言者但羅君不應爾也

容齋隨筆

隋處士羅君碑字畫可喜而不載書人名氏初余至

襄州刺史館余于州治之東地有木龕塵網如積掃

滌而視之此碑也遂撫得之去年春余復有荆襄之行訪此碑則曰卒史輩寶持不虞碎而棄之矣可謂

不幸也昔林邑王楊邁死子咄立慕其父德改名楊

邁昭穆兩世而一名余每笑歎謂天下事何所不有

今羅君之父名靖而羅君亦名靖殊不可曉羅君以

仁壽四年卒夫人以龍朔四年塋自隋仁壽四年訖

唐龍朔二年則夫人之守志益五十有九年以壽終

亦可尚矣

集古後錄

欽定四庫全書

六藝之一錄
卷六十二

二十

興福寺碑

張茶撰龐夏正書開皇二年二月立

金石錄

興國寺碑

隋內史李德林撰襄州祭酒從事丁道護書隋文帝

父忠當魏周之際常將兵南定漢襄及文帝即位建

此寺以祈福碑以開皇六年正月立

集古錄目

襄州興國寺碑丁道護書啟法寺碑一興國寺碑一

皆隋開皇中立啟法寺今為龍興寺興國寺今為延

慶寺在望楚山歐陽永叔云興國寺碑不知所在特見其摹本於太學官楊表家而此碑陰又有道護書襄州鎮副總管府長史柳止戈而下官號姓名其字尤可喜得之自余始世蓋未有傳之者也

南豐集古錄

大興國寺銘隋內史李德林撰丁道護書隋開皇間以襄州鳳林山鳳林寺為大興國寺至唐會昌五年武宗用道士趙歸真說大毀佛寺復僧尼為民而寺廢懿宗朝州刺史蔣係請復寺為延壽寺從之建炎

欽定四庫全書

六藝之一錄
卷六十二

主

初寺為灰燼此碑獨歸然露立在今府城東南十里歐陽公頃嘗見墨本於學官楊君家欲求其本不知碑所在魯南豐謂延慶寺在望楚山非也城西南三里山聳然曰尖山者其上可以望見鄆城宋元嘉中武陵王駿更名望楚余登望楚者屢矣烏觀所謂延慶者哉

集古後錄

興國寺碑陰

右隋興國寺碑陰丁道護書道護所書興國啟法兩

寺碑皆在襄陽歐陽公嘗得啟法寺碑列於集古錄中而於太學官楊表處見興國寺碑以不得入錄為恨今碑陰又有襄州鎮副總管劉止戈以下十八人姓名字畫尤完好歐陽公所未見也蔡君謨題其後云在杭州日坐有客曰小說稱丁真永草永固知名丁何人也予謂道護豈其人耶按法書要錄丁覲與智永同時人善隸書世稱丁真永草非道護也

金石錄

興國寺碑陰有柳止戈而下十八官姓名亦道護書

欽定四庫全書

六藝之一錄
卷六十二

主

蔡君謨題其後云杭州日坐有客曰小說稱丁真永草永固知名丁何人也道護豈其人耶趙德夫按法書要錄曰非道護丁覲與智永同時世稱丁真永草德夫之言是矣余謂丁覲在時必未得此聲西臺既陷簡書湮散丁尋卒於維揚妙蹟實為難得已而智永師盛以草書名江東然後人以永草配丁真也丁覲洪亭人梁孝元在荊州凡書記皆其筆當時尚為之語曰丁君十紙不敵王褒一字獨顏之推愛而寶

重之蕭子子雲問典籤惠編曰君王賜書殊為佳手
姓名為誰編以覘對子雲數曰不為世所稱亦奇事
事見顏氏家訓恐忘之耶附于此

集古
後錄

龍藏寺碑

右齊開府長兼行參軍九門張公禮撰不著書人名
氏字畫道勁有歐虞之體隋開皇六年建在今鎮州
碑云太師上柱國大威公之世子左威衛將軍上開
府儀同三司使持節恒州諸軍事恒州刺史鄂國公

欽定四庫全書

六藝之一錄
卷六十二

三

金城王孝遷奉勅勸獎州人一萬共造此寺其述孝
遷云世業重於金張器識逾於許郭然北齊周隋諸
史不見其父子名字不詳何人也

歐陽文
忠集

右隋龍藏寺碑齊張公禮撰龍藏寺已廢此碑今在

常山府署之門書字頗佳第不見其人姓名爾碑以
隋開皇六年立後題張公禮尚稱齊按周武帝建德
六年虜齊幼主高常齊遂滅後四年隋建開皇之號
至六年齊滅蓋十年矣公禮尚稱齊官何也

集古
錄

齊開府參軍張公禮撰不著書人名氏隋太師上柱
國大威公世子恒州刺史鄂國公金城王孝遷奉勅
率州民萬人共立此寺碑首題曰鄂國公為國勸造
龍藏寺碑以開皇六年立寺廢碑今在真定府門下

集古
錄目

右隋龍藏寺碑齊張公禮撰而不著書人名氏集古
錄謂寺已廢碑在常山府署之門常山即今之真定
予近以使事過之聞府治東二里龍興寺有古銅佛

欽定四庫全書

六藝之一錄
卷六十二

高

一軀崇七十二尺閣之覆者崇百有三十尺與太守
同年李君往遊其間見殿前一古碑其趺已沒土中
讀之乃公禮文歐公謂寺廢與碑在常山府署蓋未
嘗親歷其地故誤書耳

金薤
琳瑯

龍藏寺即今真定府龍興寺碑尚存碑書道勁亦是
歐虞發源但碑立于開皇六年是時齊滅已久而張
公禮尚稱齊官何也又碑稱造寺者太師上柱國大
威公之世子使持節左武衛將軍上開府儀同三司

恒州諸軍事恒州刺史鄂國公金城王孝儒史傳逸

之遂無所攷

石墨
鵝華

龍藏寺碑張公愷撰正書今在真定府龍興寺大殿

內其後為天寧閣九間五層高一百三十丈中有觀

音銅像高七十二尺四十二臂各有所執之物俗謂

之大佛寺也碑為隋開皇六年恒州刺史鄂國公金

城王孝儒立而其末乃云齊開府長兼行叅軍九門

張公愷撰齊亡入周周亡入隋而猶書齊官蓋君子

欽定四庫全書

六藝之一錄
卷六十二

之能不降其志而其時之人亦不以為非也

金石文
字記

安定縣官寺碑

開皇八年五月

金石
錄

太平寺碑

開皇九年八月

金石
錄

右太平寺碑不著書撰人名氏南北文章至於陳隋

其弊極矣以唐太宗之致治幾乎三代之盛獨於文

章不能少變其體也宣積習之勢其來也遠非久而

衆勝之則不可以驟革也是以羣賢奮力鑿闢除莠

至於元和然後蕪穢蕩平嘉禾秀草爭出而葩華美

寶爛然在目矣此碑在隋尤為文字淺陋者疑其俚

巷庸人所為然視其字畫又非常俗所能蓋當時流

弊以為文章止此為佳矣文辭既爾無取而浮圖固

吾儕所貶所以錄於此者第不忍棄其書爾

集古
錄

千卯寺碑

開皇十年五月八日息州刺史梁洋建

復齋
碑錄

涇州興國寺碑

李德林撰開皇十年十二月

金石
錄

欽定四庫全書

六藝之一錄
卷六十二

化善寺碑

開皇十五年正月

右隋化善寺碑在徐州碑陰有郎餘令題記云隋戶

式撰余元祐間侍親官彭門時為兒童得此碑今三

十餘年矣

金石
錄

蒙州普光寺碑

仁壽元年七月

右蒙州普光寺碑蒙州者漢南陽郡之育陽縣也應

劭曰育水出弘農盧氏南入于沔故後人於育加水

為消陽西魏置蒙州隋仁壽中改為消州又為消陽

邵唐為縣屬金州碑仁壽元年建猶曰蒙州既而遂改清州矣碑無書撰人名氏而筆畫適美玩之忘倦蓋開皇仁壽以來碑碣字書多妙而往往不著名氏惟丁道護所書常自著之然碑石在者尤少余每與蔡君謨惜之自大業以後率更與虞世南書始盛既接於唐遂大顯矣

集古錄

啟法寺碑

周彪文丁道護正書仁壽二年十二月

金石錄

欽定四庫全書

六藝之一錄卷六十二

此書兼後魏遺法與楊家本微異隋唐之交善書者衆皆出一法道護所得最多楊本開皇六年去此十七年書當益老亦稍縱也莆陽蔡襄記

蔡忠惠公集

右啟法寺碑丁道護書蔡君謨博學君子也於書尤

稱精鑒余所藏書未有不更其品目者其謂道護所書如此隋之晚年書學尤甚吾家率更與虞世南皆當時人也後顯於唐遂為絕筆余所集錄開皇仁壽大業時碑頗多其筆畫率皆精勁而往往不著名氏

每執卷惘然為之歎息惟道護能自著之然碑刻在者尤少余家集錄千卷止有此爾有太學官楊褒者善收書畫獨得其所收興國寺碑是梁正明中人所藏君謨所謂楊家本者是也欲求其本而不知碑所在然不難得則不足以為佳物古人亦云百不為多一不為少者正謂此也

集古錄

隋儀同三司周彪撰襄州從事丁道護書隋開皇初詔後周所毀佛寺皆復建之州人共造此寺刺史韋

欽定四庫全書

六藝之一錄卷六十二

世康名之曰光福禪房後又改為啟法寺以仁壽二年十二月立并邑人趙勵等題名

集古錄目

啟法寺碑開皇中立啟法寺今為龍興寺在襄陽城

西南豐

題跋

啟法寺碑仁壽二年建曾南豐以為開皇中立誤也道護之書見於世者獨興國寺碑與此碑爾二碑俱在襄州前年春訪碑于寺止得興國寺碑而啟法之碑無有此可珍也

集古後錄